

Na osnovu člana 21. Zakona o Trezoru u Federaciji Bosne i Hercegovine ( „Službene novine Federacije BiH“, br. 19/03 i 79/07 ) i Naredbe o zatvaranju računa budžetskih korisnika, broj 08-01-14-31336/15 od 03.12.2015. godine, Ministar finansija Kantona Sarajevo donosi slijedeće

## U P U T S T V O O ZATVARANJU RAČUNA BUDŽETSKIH KORISNIKA

### I

Ovim uputstvom daju se upute budžetskim korisnicima koji se vode u Registru budžetskih korisnika Kantona Sarajevo ( „Službene novine Kantona Sarajevo“, broj 9/15) o zatvaranju računa koji nisu uključeni u sistem Jedinštenog računa Trezora Kantona Sarajevo (u daljem tekstu: budžetski korisnici).

### II

U skladu sa članom 21. Zakona o Trezoru u Federaciji Bosne i Hercegovine ( „Službene novine Federacije BiH“, broj 19/03 i 79/07) svi budžetski korisnici koji se vode u Registru budžetskih korisnika Kantona Sarajevo dužni su odmah poduzeti potrebne radnje oko zatvaranja računa koji su izvan Jedinštenog računa trezora (JRT-a), a najkasnije do **04.01.2016.godine** ( prvi radni dan u 2016.godini ):

1. Dati nalog svojoj banci za gašenje svih vrsta računa ako je saldo tih računa nula.
2. Ako saldo transakcijskih računa na koji budžetski korisnik dobija sredstva za redovnu djelatnost (plaćanja materijalnih troškova koja nisu izvršena prije zatvaranja računa) nije nula, dužan je dati nalog banci kod koje se vodi taj račun da izvrši prenos tih sredstava na transakcijski račun Kantona Sarajevo broj: **1020500000036567** koji se vodi kod Union banke d.d. Sarajevo.  
Materijalne troškove za 2015.godinu po mogućnosti isplatiti prije zatvaranja računa.
3. Ako saldo donatorskog računa nije nula, budžetski korisnik je dužan dati nalog banci kod koje se vodi taj račun da izvrši prenos tih sredstava na depozitni račun Kantona Sarajevo broj: **3380002210019263** koji se vodi kod Unicredit banke d.d. Mostar uz obavezno popunjavanje polja javnih prihoda:
  - Broj poreznog obveznika
  - Vrsta prihoda: Analitički po važećem kontnom planu
  - Općina
  - Budžetska organizacija
4. Ako saldo deviznog računa nije nula, budžetski korisnik je dužan dati nalog banci kod koje se vodi taj devizni račun da izvrši konverziju tih sredstava i prenos istih na depozitni račun Kantona Sarajevo broj: **3380002210019263** otvoren kod Unicredit banke d.d. Mostar uz obavezno popunjavanje polja javnih prihoda:
  - Broj poreznog obveznika
  - Vrsta prihoda: Analitički po važećem kontnom planu
  - Općina
  - Budžetska organizacija
5. Ako saldo ostalih računa nije nula , budžetski korisnici su dužni dati nalog banci kod koje se vode ti računi da izvrši prenos tih sredstava na depozitni račun Kantona Sarajevo broj: **3380002210019263** otvoren kod Unicredit banke d.d. Mostar uz obavezno popunjavanje polja javnih prihoda:

- Broj poreznog obveznika
- Vrsta prihoda: Analitički po važećem kontnom planu
- Općina
- Budžetska organizacija

### III


Budžetski korisnici su dužni dostaviti Ministarstvu finansija Kantona Sarajevo potvrdu banke da je račun ugašen kao i kopiju posljednjeg izvoda do 04.01.2016.godine.

### IV

Budžetski korisnici su dužni dostaviti Ministarstvu finansija Kantona Sarajevo očitovanje na javnu raspravu na Nacrt budžeta Kantona Sarajevo za 2016.g. do 10.12.2015.godine. Budžetski korisnik će očitovanjem na navedenu javnu raspravu unijeti plan prenesenih sredstava (prihode) i rashode koji će iz tih sredstava biti finansirani. Navedeno očitovanje potrebno je radi mogućnosti izvršavanja prenesenih sredstava u toku 2016. godine

### VI

Ovo uputstvo stupa na snagu danom donošenja i objavit će se u „Službenim novinama Kantona Sarajevo“.



**MINISTAR**  
*Halebić*  
**Prof.dr. Jasmin Halebić**

Broj:08-01-31336-1/15  
Sarajevo, 03.12.2015. godine